

উপজেলা পরিষদ, ডুমুরিয়া, খুলনা এর আগষ্ট, ২০২১ খ্রিঃ মাসের সভার কার্যবিবরণী

সভাপতি	:	এজাজ আহমেদ চেয়ারম্যান, ডুমুরিয়া উপজেলা পরিষদ, খুলনা।
সভার স্থান	:	"অফিসার্স ক্লাব" ডুমুরিয়া, খুলনা।
সভার তারিখ ও সময়	:	২৪ আগষ্ট ২০২১ সময় সকাল ১১.০০ টা।
উপস্থিত সদস্যবৃন্দ	:	পরিশিষ্ট 'ক'

সভার শুরুতে উপস্থিত সকলকে ধন্যবাদ জানিয়ে সভার কাজ শুরু করা হয়। সভায় মাননীয় সংসদ সদস্য ১০৩, খুলনা - ৫ মহোদয় Zoom App এর মাধ্যমে যুক্ত হয়েছেন। সভাপতির সম্মতিক্রমে উপজেলা নির্বাহী অফিসার সভার কাজ শুরু করেন। তিনি জানান মাননীয় সংসদ সদস্য মহোদয় উপস্থিত থেকে সভাকে প্রাণবন্ত করেছেন। তিনি আগামীতেও মহোদয়ের উপস্থিতি কামনা করেন।

অতঃপর তিনি আলোচ্যসূচি অনুসারে গৃহীত বিষয়সমূহ আলোচনা করেন এবং সে অনুযায়ী সর্বসম্মতিক্রমে নিম্নোক্ত সিদ্ধান্ত গৃহীত হয়।

ক্রঃ নং	আলোচ্য বিষয়	বিস্তারিত আলোচনা	সিদ্ধান্ত	বাস্তবায়নে
১.	বিগত সভার কার্যবিবরণী অনুমোদন	উপজেলা নির্বাহী অফিসার মহোদয় কর্তৃক বিগত ২৯ জুলাই - ২০২১ খ্রিঃ তারিখে অনুষ্ঠিত মাসিক সভার কার্যবিবরণী অধ্যকার সভায় উপস্থাপন করা হয়। বিষয়টি সভায় আলোচনা করা হয়। সভার সিদ্ধান্ত বাস্তবায়ন করার প্রতি গুরুত্বারোপ করে আলোচনা হয়। কোনরূপ সংশোধনী প্রস্তাব নেই।	কোন সংশোধনী প্রস্তাব না থাকায় ২৯ জুলাই - ২০২১ খ্রিঃ তারিখের সভার কার্যবিবরণী সর্বসম্মতিক্রমে অনুমোদনের সিদ্ধান্ত গৃহীত হয়।	উপজেলা পরিষদ, ডুমুরিয়া, খুলনা
২.	গৃহীত সিদ্ধান্তের অগ্রগতি পর্যালোচনা	বিগত সভার সিদ্ধান্ত বাস্তবায়নের অগ্রগতি সভায় আলোচনা হয়। সভার সিদ্ধান্তসমূহ বাস্তবায়নপূর্বক পরবর্তী সভার পূর্বে অবহিত করলে কার্যবিবরণী প্রস্তুতে সহায়ক হয়। সিদ্ধান্ত বাস্তবায়নে অগ্রগতি সন্তোষজনক।	সভার সিদ্ধান্তসমূহ বাস্তবায়ন এবং নতুন এজেন্ডা সম্পর্কিত প্রতিবেদন ১৫ দিনের মধ্যে উপজেলা নির্বাহী কর্মকর্তা বরাবরে প্রেরণ নিশ্চিত করতে হবে।	উপজেলা পর্যায়ে সংশ্লিষ্ট কর্মকর্তা।
	ই-নথি কার্যক্রম	উপজেলা পর্যায়ে উপজেলা ভূমি অফিস, সমবায়, সমাজসেবা, মহিলা বিষয়ক অধিদপ্তর প্রাথমিক ও মাধ্যমিক শিক্ষা দপ্তরকে ই-নথিতে উপজেলা নির্বাহী অফিসারের সাথে সংযোগ স্থাপন করা হয়েছে। এসব দপ্তরের সাথে ই-নথিতে পত্রালাপ শুরু করা হয়েছে। উপজেলা পর্যায়ের অপরাপর অফিসসমূহের সাথে সংযোগ স্থাপন পর্যায়ক্রমে হবে। আপাতত ই-মেইল ও মোবাইলের মাধ্যমে পত্র প্রদান অব্যাহত রাখা হয়েছে। ই-নথিতে ডুমুরিয়া উপজেলার কার্যক্রম সন্তোষজনক।	প্রতিদিন সকালে ই-নথির ডাক অবলোকন ও নিষ্পত্তি নিষ্পত্তি করতে হবে। সংযোগস্থাপনকৃত অফিসসমূহ ই-নথিতে নোট অনুমোদন ও পত্র প্রদান নিশ্চিত করতে হবে।	সকল দপ্তর প্রধান এবং প্রশাসনিক কর্মকর্তা ও সহকারি প্রোগ্রামার

ক্রঃ নং	আলোচ্য বিষয়	বিস্তারিত আলোচনা	সিদ্ধান্ত	বাস্তবায়নে
৩.	কমিটির সুপারিশ পর্যালোচনা ও সিদ্ধান্ত গ্রহণ	উপজেলা পরিষদ আইন, ১৯৯৮ এর ধারা ২৯ এর বিধান মোতাবেক ১৭টি স্থায়ী কমিটি রয়েছে। বিধি মোতাবেক উপজেলা পরিষদের ভাইস চেয়ারম্যান ও মহিলা ভাইস চেয়ারম্যানদ্বয় কমিটির সভাপতি নির্বাচিত হয়েছেন। অপরাপর দপ্তর হতে স্থায়ী কমিটির সভা হলেও কার্যবিবরণী ও সুপারিশমালা প্রেরণ করেননি। বিষয়টি নিয়ে সভায় আলোচনা হয়। দপ্তরভিত্তিক কাজের স্বচ্ছতা, জবাবদিহিতাবৃদ্ধি ও পরিষদের কাজের সহায়তার জন্য স্থায়ী কমিটির কার্যকর করা অত্যন্ত জরুরী মর্মে সভায় আলোচনা হয়।	উপজেলা পরিষদের কাজের সহায়তার নিমিত্ত ১৭ (সতের) টি স্থায়ী কমিটি নিয়মিত সভা আহবান ও সুপারিশ সম্বলিত কার্যবিবরণী প্রেরণ নিশ্চিত করবেন।	ভাইস চেয়ারম্যান, মহিলা ভাইস চেয়ারম্যান ও সংশ্লিষ্ট সকল কর্মকর্তা
৪.	অফিস সরঞ্জাম ও আসবাবপত্র ক্রয় সংক্রান্ত।	ভাইস চেয়ারম্যান, উপজেলা পরিষদ, ডুমুরিয়া, খুলনা সভায় জানান যে, বর্তমান আমাদের ভবন হতে উপজেলা পরিষদের নতুন ভবনে যাওয়ার সময় নতুন অফিস সরঞ্জাম ক্রয় ও নতুন আসবাবপত্র সংগ্রহ/মেরামত করা প্রয়োজন।	২০২১-২০২২ অর্থ বছরে বাজেটের অফিস সরঞ্জাম ক্রয় ও নতুন আসবাবপত্র সংগ্রহ/মেরামত করার সর্বসম্মত সিদ্ধান্ত গৃহীত হয়।	গঠিত সংশ্লিষ্ট কমিটি, ডুমুরিয়া, খুলনা।
৫.	উপজেলা স্বাস্থ্য ও পরিবার পরিকল্পনা কর্মকর্তা	উপজেলা স্বাস্থ্য ও পরিবার পরিকল্পনা অফিসার জানান করোনা মোকাবেলায় উপজেলা স্বাস্থ্য কমপ্লেক্সে কর্মরত সকল চিকিৎসক তৎপর রয়েছেন। নিয়মিত করোনা পরীক্ষা ও করোনা রোগীদের পরামর্শ প্রদান করছেন। করোনার ভয়াবহতার বিবরণ দিয়ে জানান জনগণ স্বাস্থ্য বিধি মেনে চলছেন বলেই ডুমুরিয়া অন্যান্য উপজেলা হতে ভাল অবস্থানে রয়েছে। তিনি স্বাস্থ্য বিধি মেনে চলার প্রতি অধিকতর গুরুত্ব প্রদানের জন্য সকলকে অনুরোধ জানান।	স্বাস্থ্য বিধি মেনে চলাচল নিশ্চিত করতে হবে।	উপজেলা নির্বাহী অফিসার, উপজেলা স্বাস্থ্য ও পরিবার পরিকল্পনা কর্মকর্তা, চেয়ারম্যান (সকল) ডুমুরিয়া, খুলনা
		(খ) বিধি ১৮(৩) অনুযায়ী জন্ম ও মৃত্ত নিবন্ধন আইন, ২০০৪ এবং জন্ম ও মৃত্ত নিবন্ধন বিধিমালা ২০১৮ অনুযায়ী জন্ম ও মৃত্ত্য রেজিস্ট্রেশন কার্যক্রমের লক্ষ্যমাত্রা নির্ধারণ ও অগ্রগতি পর্যালোচনা করার নিমিত্ত মন্ত্রিপরিষদের নির্দেশনা রয়েছে। বিধি ২১ অনুযায়ী ৪৫ দিন পর্যন্ত জন্ম ও মৃত্ত্য বিনা ফিসে নিবন্ধনের নির্দেশনা রয়েছে। নভেম্বর, ২০২০ মাসের প্রতিবেদন অনুযায়ী আটলিয়া, শোভনা, সাহস, ভান্ডারপাড়া, ডুমুরিয়া, রংপুর ও মাগুরখালী ইউনিয়নের লক্ষ্যমাত্রা অর্জিত হয়নি। লক্ষ্যমাত্রা অনুযায়ী জন্ম নিবন্ধন নিশ্চিত করার জন্য সকলকে আরো তৎপর হতে হবেমর্মে গুরুত্বপ্রদান করে সভায় আলোচনা হয়।	জন্ম ও মৃত্ত নিবন্ধন আইন, ২০০৪ এবং জন্ম ও মৃত্ত্য নিবন্ধন বিধিমালা ২০১৮ অনুযায়ী লক্ষ্যমাত্রা অর্জনে আরো তৎপর হতে অনুরোধ করা হলো।	উপজেলা স্বাস্থ্য ও পরিবার পরিকল্পনা কর্মকর্তা/উপজেলা পরিবার পরিকল্পনা কর্মকর্তা/ চেয়ারম্যান, আটলিয়া, শোভনা, রংপুর ও মাগুরখালীসহ অন্যান্য

ক্রঃ নং	আলোচ্য বিষয়	বিস্তারিত আলোচনা	সিদ্ধান্ত	বাস্তবায়নে
৬.	প্রকল্প বাস্তবায়ন কর্মকর্তা	উপজেলা প্রকল্প বাস্তবায়ন কর্মকর্তা জানান ২০২১-২০২২ অর্থ বছরে ক তালিকাভুক্ত জমি নেই ঘর নেই প্রকল্পের আওতায় ঘর নির্মাণ সমাপ্তির পথে এবং অবশিষ্ট ঘরের প্রস্তাব প্রেরণ করা হয়েছে। সরকারি খাস জমি চিহ্নিত করার কার্যক্রম চলমান রয়েছে। এ বিষয়ে সকলের সহযোগীতা কামনা করেন। টাঙ্কফোর্স কমিটি নিয়মিত সভা আহ্বান করে সকলকে সার্বিক বিষয়ে সহযোগীতা করেন। এছাড়া টি আর,কাবিখা,সেতু এবং এইচ বিবি কাজ চলমান।	মাননীয় প্রধানমন্ত্রীর প্রতিশ্রুত গুরুত্বপূর্ণ এ প্রকল্প বাস্তবায়নে সকলের সহযোগীতা নিশ্চিত করতে হবে। এছাড়া ঘরসহ অন্য সকল প্রকল্পের মালামাল গুনগত মানসম্পন্ন যাতে হয় এ বিষয়ে সিদ্ধান্ত গৃহীত হয়।	উপজেলা নির্বাহী অফিসার, উপজেলা প্রকল্প বাস্তবায়ন কর্মকর্তা চেয়ারম্যান (সকল)
৬.	উপজেলা মৎস্য অধিদপ্তর ডুমুরিয়া, খুলনা	সিনিয়র উপজেলা মৎস্য কর্মকর্তা জানান ডুমুরিয়া উপজেলাতে বেছন্দি, কারেন্ট জাল, মশারি, চট, পাই, টিং ইত্যাদি ক্ষতিকারক জাল নিষিদ্ধ করা হয়েছে। উক্ত প্রকারের জালসমূহ বিক্রয় ও ব্যবহারকারীদের বিরুদ্ধে মোবাইল কোর্ট পরিচালনা মৎস্য বিভাগ সহায়তা করে থাকেন। মাছের ঘেরসমূহ রেজিস্ট্রেশনের বিধান রয়েছে। রেজিস্ট্রেশনভুক্ত ও রেজিস্ট্রেশন বহির্ভূত ঘেরের তালিকা প্রস্তুত করা প্রয়োজন মর্মে সভায় আলোচনা হয়।	ক্ষতিকারক জাল ব্যবহারকারীদের বিরুদ্ধে নিয়মিত মোবাইল কোর্ট পরিচালনা করতে হবে। বৈধ/অবৈধ ঘেরের তালিকা প্রস্তুত করতে হবে।	উপজেলা নির্বাহী অফিসার, সহকারী কমিশনার (ভূমি) সিনিয়র উপজেলা মৎস্য অফিসার, ডুমুরিয়া, খুলনা।
৭.	উপজেলা কৃষি কর্মকর্তা, ডুমুরিয়া, খুলনা	উপজেলা কৃষি কর্মকর্তা জানান যে, এ বছর ডুমুরিয়া উপজেলায় এ বছর ২১২০৫ হেঃ জমিতে বোরো আবাদের লক্ষ্যমাত্রা নির্ধারণ করা হয়েছে। ইতিমধ্যে বোরোরোপন কার্যক্রম শুরু হয়ে গেছে। বোরো উৎপাদন বৃদ্ধির লক্ষ্যে ৮০০০ জন কৃষকের মাঝে প্রনোদনার আওতায় প্রতিজনকে ২কেজি করে হাইব্রিড ধান বীজ SL8H বিতরণ করা হয়েছে। শ্রমিক সংকট নিরসনের জন্য উন্নত চাষাবাদ কর্মসূচীর আওতায় ৫০ একর জমি চাষাবাদের জন্য ৩০০ কেজি হাইব্রিড ধানবীজ ব্যাবিলন-২ এবং ব্যাবিলনট্রেতে বসানো হয়েছে এবং পরবর্তীতে এগুলো রাইস ট্রান্সপ্লান্টারের সাহায্যে রোপন করা হবে। এ সমস্ত কৃষককে ইউরিয়া, ভিএপি, এমওপি, জিপসাম ও দস্তা সার বিতরণ করা হবে এবং যন্ত্র দিয়ে ধানকর্তন করেও দেয়া হবে। সার, কীটনাশককে বা বীজের কোন সংকট নেই। অন্যান্য সকল কার্যক্রম স্বাভাবিকভাবে চলছে। কৃষি বিভাগের চলমান কাজ নিয়ে সভায় ব্যাপক আলোচনা হয়। কৃষি বিভাগের কার্যক্রমে সভায় সন্তোষপ্রকাশ করা হয়।	নিরাপদ কৃষি পণ্য উৎপাদন ও স্বাস্থ্যবিধি সম্পর্কে সকলকে সহযোগীতা ও পরামর্শ প্রদান নিশ্চিত করতে হবে।	উপজেলা কৃষি কর্মকর্তা, উপজেলা খাদ্য কর্মকর্তা

ক্রঃ নং	আলোচ্য বিষয়	বিস্তারিত আলোচনা	সিদ্ধান্ত	বাস্তবায়নে
৮.	উপজেলা প্রাণি সম্পদ দপ্তর, ডুমুরিয়া খুলনা	উপজেলা প্রাণি সম্পদ কর্মকর্তা জানান যে, প্রাণিসম্পদ অধিদপ্তরের সার্বিক তত্ত্বাবধানে ন্যাশনাল এগ্রিকালচারাল টেকনোলজী প্রোগ্রাম-ফেজ-২ প্রজেক্ট (এনএটিপি-২) প্রকল্পের আওতায় চলতি মাসে বিভিন্ন গ্রামে ৬টি ইনফার্মেটিভি ক্যাম্পেইন ০৬টি মাঠ দিবস, ৪টি ডিওয়ামিং ক্যাম্পেইন ও ৩টি খামারী সমাবেশ সম্পন্ন হয়েছে। লাইভস্টক এন্ড ডেইরী ডেভেলপমেন্ট (এলডিডিপি) প্রকল্পের Emergency Action Plan এর আওতায় ২য় দফা করোনায় ক্ষতিগ্রস্ত ৪৯২জন খামারীদের ODK App এর মাধ্যমে ভেরিফিকেশন কার্যক্রম চলমান রয়েছে। কসাইখানার সুষ্ঠু ব্যবস্থাপনা ও মাংস প্রক্রিয়াকরণ ও সংরক্ষণ বিষয়ক প্রশিক্ষণ ও উপকরণ বিতরণ কার্যক্রম চলমান রয়েছে।	স্বাস্থ্য সম্মত পশু পালন নিশ্চিত করার নিমিত্ত ও প্রশিক্ষণ ও প্রনোদনা বিতরণে স্বচ্ছতা ও জবাবদিহীতা নিশ্চিত করতে হবে।	উপজেলা নির্বাহী অফিসার, উপজেলা প্রাণি সম্পদ কর্মকর্তা
৯.	উপজেলা পরিবার পরিকল্পনা কর্মকর্তা, ডুমুরিয়া, খুলনা	উপজেলা পরিবার পরিকল্পনা কর্মকর্তা জানান যে, প্রতিদিন ডুমুরিয়া উপজেলা পরিবার পরিকল্পনা কার্যালয়ের ১৪টি ইউনিয়ন স্বাস্থ্য ও পরিবার কল্যাণ কেন্দ্রে পরিবার পরিকল্পনা সেবা ও মা শিশু স্বাস্থ্য সেবার পাশাপাশি মহামারি করোনা ভাইরাসের উপসর্গ নিয়ে আগত রোগীর সেবা ও পরামর্শ প্রদান করা হচ্ছে।	করোনা পরিস্থিতি বিবেচনা করে সতর্কতার সাথে সেবা প্রদান নিশ্চিত করতে হবে।	উপজেলা নির্বাহী অফিসার, উপজেলা স্বাস্থ্য ও পরিবার পরিকল্পনা কর্মকর্তা/ উপজেলা পরিবার পরিকল্পনা কর্মকর্তা
১০.	উপজেলা প্রকৌশলী এল.জি.ই.ডি ডুমুরিয়া খুলনা	উপজেলা প্রকৌশলী জানান এডিপি এর প্রকল্প প্রস্তাব প্রস্তুত করা হয়েছে। বাস্তবায়নের নিমিত্ত দরপত্র আহবান করা হয়েছে। দ্রুত প্রকল্প বাস্তবায়ন করা হবে। এছাড়া উন্নয়ন খাতে বরাদ্দের বিপরীতে প্রাক্কলনসহ প্রকল্প প্রস্তাব প্রস্তুত করা হয়েছে। চূড়ান্ত অনুমোদন সাপেক্ষে বাস্তবায়নের নিমিত্ত টেন্ডার আহবান করা হবে। প্রকল্প বাস্তবায়নের জবাবদিহীতা নিশ্চিত করার নিমিত্ত প্রকল্প তালিকা এলজিইডি ও উপজেলা নির্বাহী অফিসারের ওয়েবসাইটে প্রকাশ করা যেতে পারে। প্রকল্প বাস্তবায়নে স্বচ্ছতা ও জবাবদিহীতা নিশ্চিত করার নিমিত্ত সভায় আলোচন হয়। তিনি সভায় আরও জানান যে, ডুমুরিয়া - বানিয়াখালী সড়কের উলা মৌজায় ০২ টি মৃত শিশু ও ০২ টি জীবিত মেহগনি গাছ রয়েছে যা অত্যন্ত বুকিপূর্ণ অবস্থায় রয়েছে যেকোন সময় একটি দুর্ঘটনা ঘটতে পারে। এমতাবস্থায় জরুরী ভিত্তিতে বিধি	প্রকল্প বাস্তবায়নে বিধি বিধান অনুসরণ নিশ্চিত করতে হবে এবং প্রকল্প পরিদর্শন নিশ্চিত করতে হবে। ডুমুরিয়া - বানিয়াখালী সড়কের উলা মৌজায় ০২ টি মৃত শিশু ও ০২ টি জীবিত মেহগনি গাছগুলি জরুরী ভিত্তিতে অপসারণের জন্য নিম্নোক্ত কমিটিকে প্রয়োজনীয় ব্যবস্থা গ্রহণের সর্বসম্মত	চেয়ারম্যান, উপজেলা পরিষদ, উপজেলা নির্বাহী অফিসার/ উপজেলা প্রকৌশলী এল জি ই ডি ও চেয়ারম্যান ইউনিয়ন পরিষদ (সকল)

ক্রঃ নং	আলোচ্য বিষয়	বিস্তারিত আলোচনা	সিদ্ধান্ত	বাস্তবায়নে
		মোতাবেক গাছগুলি অপসারণ করা প্রয়োজন। বিধি মোতাবেক গাছগুলি জরুরী ভিত্তিতে অপসারণের জন্য নিম্নোক্ত কমিটিকে প্রয়োজনীয় ব্যবস্থা গ্রহণের অনুরোধ করা হয়।	সিদ্ধান্ত গৃহীত হয়।	

ক্রমিক নং	নাম ও পদবী	কমিটিতে পদবী
০১	জনাব মোঃ আবদুল ওয়াদুদ, উপজেলা নির্বাহী অফিসার, ডুমুরিয়া, খুলনা।	সভাপতি
০২	জনাব এম.এম.আবুল বাসার, উপজেলা বন ও পরিবেশ কর্মকর্তা, ডুমুরিয়া, খুলনা।	সদস্য
০৩	জনাব হিমাংশু কুমার বিশ্বাস, চেয়ারম্যান, ভাভারপাড়া, ইউপি, ডুমুরিয়া, খুলনা।	সদস্য
০৪	জনাব বিদ্যুৎ কুমার দাস, উপজেলা প্রকৌশলী, ডুমুরিয়া, খুলনা।	সদস্য-সচিব


১১.	উপজেলা শিক্ষা অফিসার ডুমুরিয়া, খুলনা	উপজেলা শিক্ষা অফিসার, ডুমুরিয়া জানান যে, করোনা ভাইরাস সংক্রমণের আশংকা থাকায় সরকারি নির্দেশে শিক্ষা প্রতিষ্ঠানসমূহ বন্ধ রয়েছে। তবে অন লাইন ভার্চুয়াল প্রাটফর্মে শিক্ষা কার্যক্রম চালু রয়েছে। উপজেলা শিক্ষা কমিটি ভারী মেরামত ও নতুন ভবন নির্মাণ প্রকল্প বাস্তবায়নে গুরুত্বপূর্ণ সুপারিশ প্রণয়ন করে থাকেন। উক্ত কমিটির মেয়াদ শেষ হয়েছে। নতুন কমিটি গঠনে তৎপর হতে হওয়ার বিষয়ে সভায় আলোচনা হয়। এছাড়া স্লিপ বরাদ্দ ও রুটিন মেইনটেনেন্স খাতে বরাদ্দ প্রদান করা হয়েছে। বরাদ্দকৃত অর্থ যথাযথভাবে ব্যয় নিশ্চিত করার জন্য সকলের দৃষ্ট আকর্ষণ করা হয়।	স্বাস্থ্য বিধি ও সামাজিক দুরত্ব বজায় রেখে নিজ নিজ ঘরে অবস্থান ও লেখাপড়া চালিয়ে যেতে উদ্বুদ্ধ করতে হবে। উপজেলা শিক্ষা কমিটি গঠনে দ্রুত প্রস্তাব উপস্থাপন নিশ্চিত করতে হবে।	উপজেলা নির্বাহী অফিসার/ উপজেলা শিক্ষা অফিসার, ডুমুরিয়া
১২.	উপজেলা মাধ্যমিক শিক্ষা অফিসার ডুমুরিয়া খুলনা	শিক্ষা প্রকৌশল অধিদপ্তর হতে নিম্নবর্ণিত বিদ্যালয়ে নতুন ভবন নির্মাণের কাজ চলমান আছে মর্মে জানান। (১) পল্লী শ্রী বালিকা বিদ্যালয় (২) স্বর্ণদ্বীপ কলেজ (৩) মধুগ্রাম মাধ্যমিক বিদ্যালয়, (৪) সাহস-নোয়াকাটি মাধ্যমিক বিদ্যালয় ও টিপনা শেখ আমজাদ মেমোরিয়াল মাধ্যমিক বিদ্যালয়। এসব বিদ্যালয়ের বিপরীতে প্রাক্কলন অনুযায়ী ও নির্ধারিত সময়ের মধ্য কাজ সম্পন্ন করার বিষয়টি সভায় আলোচনায় হয়। কাজের গুণগতমান বিষয়ে তদারকির জন্য স্থানীয় পর্যায়ে উপজেলা নির্বাহী অফিসারের প্রতিনিধি হিসেবে প্রশাসনিক কর্মকর্তাকে মনোনয়ন প্রদান করা হয়েছে। সরেজমিনে পরিদর্শনপূর্বক কাজের গুণগতমান নিশ্চিত হয়ে অগ্রগতি রিপোর্ট প্রদানের প্রতি গুরুত্বারোপ করে সভায় আলোচনা হয়।	শিক্ষা প্রতিষ্ঠানের নির্মাণ কাজের সময় সীমা এবং অগ্রগতি বিষয়ে প্রতিমাসে তথ্য প্রদান নিশ্চিত করতে হবে।	উপজেলা নির্বাহী অফিসার/ নির্বাহী প্রকৌশলী, শিক্ষা প্রকৌশল উইং, খুলনা, উপজেলা মাধ্যমিক শিক্ষা কর্মকর্তা /প্রশাসনিক কর্মকর্তা ও সংশ্লিষ্ট শিক্ষা প্রতিষ্ঠান প্রধান

		মাধ্যমিক শিক্ষা অধিদপ্তর ই-নথির আওতাধীন করা হয়েছে। ই-নথির পত্রসমূহ ই-মেইলে সহজেই বিতরণ করা সভব হয়। করোনা পরিস্থিতিতে হাতে হাতে পত্র জারীর পরিবর্তে ই-নথিতে প্রদান অধিকতর সহজতর হবে।		
১৩.	উপজেলা সমবায় কর্মকর্তা ডুমুরিয়া খুলনা	উপজেলা সমবায় কর্মকর্তা জানান যে, কেন্দ্রীয় সমবায় সমিতির সংখ্যা ৭টি এবং কেন্দ্রীয় দুধ সমিতির সংখ্যা ০৪টি, প্রাথমিক সমিতির সংখ্যা ৭০৮টি। ডুমুরিয়া উপজেলার ভান্ডারপাড়া, খাজুরা, চুকনগর ও মিকশিমিলে অবস্থিত ৪টি আশ্রয়ণ প্রকল্পের ঋণ বিতরণ করা হয়েছে। করোনা পরিস্থিতি বিবেচনা করে ঋণ বিতরণ ও আদায়ে কঠোরতা আরোপ করা হচ্ছে না। অনেক সমিতির এজিএম নির্ধারিত সময়ের মধ্যে সম্পন্ন হয়নি।	সমিতিসমূহের এজিএম সম্পন্ন করা এবং আমানত সুরক্ষা করার বিষয়টি নিশ্চিত করতে হবে।	উপজেলা নির্বাহী অফিসার/ উপজেলা সমবায় কর্মকর্তা, ডুমুরিয়া, খুলনা
	উপজেলা সমাজসেবা কর্মকর্তা ডুমুরিয়া খুলনা	উপজেলা সমাজসেবা কর্মকর্তা সভায় জানান সমাজসেবা অধিদপ্তর হতে সামাজিক নিরাপত্তা কর্মসূচীর আওতায় বয়স্কভাতা, বিধবা ভাতা ও স্বামী নিগৃহীতা মহিলা ভাতা ও অস্বচ্ছল প্রতিবন্ধী ভাতা কর্মসূচীর ভাতা Digital Payment (g2p) পদ্ধতিতে প্রদান করা হচ্ছে। উদ্যোক্তাগণের মাধ্যমে ভাতাভোগীদের MIS সফটওয়্যারে ডাটা এন্ট্রি চলমান রয়েছে। ৩১-০১-২০২১ পর্যন্ত ডুমুরিয়া উপজেলার ডাটা এন্ট্রির হার ৯৪%। এখনও ৬% ভাতাভোগীর ডাটা এন্ট্রি বাকি রয়েছে। তিনি বলেন বয়স্ক, বিধবা ও স্বামী নিগৃহীতা মহিলা ভাতা এবং অস্বচ্ছল প্রতিবন্ধী ভাতাভোগীদের যাদের তথ্য এম.আই.এস সফটওয়্যারে ডাটা এন্ট্রি করা হয়েছে, তাদের ডিজিটাল লেনদেন সিস্টেম নগদ এর মাধ্যমে ভাতার অর্থ পরিশোধ করা হবে। তিনি বলেন ইউনিয়ন পরিষদের সহযোগিতায় নগদ একাউন্ট খোলার নির্দেশনা পাওয়া গিয়েছে, এ বিষয়ে সকলের সহযোগিতা কামনা করেন।	বয়স্ক, বিধবা ও স্বামী নিগৃহীতা মহিলা ভাতা এবং অস্বচ্ছল প্রতিবন্ধী ভাতাভোগীদের তথ্য এম আই এস এ এন্ট্রি ও নগদ হিসাব খোলার বিষয়টি নিশ্চিত করতে হবে।	উপজেলা সমাজসেবা কর্মকর্তা, চেয়ারম্যান (সকল)
১৪.	জনস্বাস্থ্য প্রকৌশলী অধিদপ্তর	উপসহকারী প্রকৌশলী, জনস্বাস্থ্য প্রকৌশল অধিদপ্তর, ডুমুরিয়া, খুলনা জানান যে, জনস্বাস্থ্য প্রকৌশল অধিদপ্তর, খুলনা,র মাধ্যমে বিভিন্ন ইউনিয়নে উন্নয়নমূলক কাজ বাস্তবায়িত হচ্ছে। জেলা পরিষদের মালিকানাধীন ০২ টি পুকুর পুনঃ খনন কাজের মাটি খননের কাজ সম্পন্ন হয়েছে এবং রাস্তা তৈরির কাজ চলমান। সমগ্র দেশে নিরাপদ পানি সরবরাহ প্রকল্পের আওতায় (১ম বরাদ্দ) ৩১২ টি রেইন ওনয়াটার হারভেষ্টিং এর বরাদ্দ পাওয়া যায় যা ইতিমধ্যে স্থান নির্বাচনের কাজ সম্পন্ন হয়েছে।	গুণগত মান নিশ্চিত করে নির্ধারিত সময়ের মধ্যে কাজ সম্পন্ন করার বিষয়টি নিশ্চিত করতে হবে।	উপজেলা নির্বাহী অফিসার, উপ-সহকারী প্রকৌশলী (জনস্বাস্থ্য)ও চেয়ারম্যান রুদাঘরা, আটলিয়া, শোভনা, শরাফপুর

		পানি সরবরাহে আর্সেনিক ঝুঁকি নিরসন প্রকল্পের আওতায় ৬৪টি রেইন ওয়াটার হারভেস্টিং এবং ২৮১টি গভীর নলকূপ স্থাপনের কাজ সম্পন্ন হয়েছে। ০২টি আর.ও প্লান্ট নির্মাণের কাজ চলমান এবং আর্সেনিক স্ক্রিনিং এর জন্য ইউনিয়নসমূহে স্থানীয় নলকূপ পরীক্ষক/তথ্য সংগ্রাহক(টেস্টার) এর নিয়োগ সম্পন্ন হয়েছে। অগ্রাধিকারমূলক গ্রামীণ পানি সরবরাহ প্রকল্পের আওতায় ১২টি আর্সেনিক আয়রণ রিমুভার প্লান্ট এর কাজ চলমান। PEDP-4, GPS/NNGPS প্রকল্পের আওতায় ২২টি ওয়াশব্লক ও ০৫টি নলকূপ স্থাপনের কাজ চলমান রয়েছে মর্মে জানান। এসব প্রকল্পের বিষয়ে আলোচনা হয়। গুণগত মান নিশ্চিত করে নির্ধারিত সময়ের মধ্যে কাজ সম্পন্ন করার প্রতি গুরুত্বারোপ করা হয়।		ও রংপুর ইউনিয়ন
১৫.	উপজেলা যুব উন্নয়ন অধিদপ্তর	উপজেলা যুব উন্নয়ন কর্মকর্তা জানান যে, করোনা ভাইরাস পরিস্থিতিতে স্বাস্থ্যবিধি অনুসরণ নিশ্চিত করে প্রশিক্ষণ কার্যক্রম অব্যাহত রাখা হয়েছে। চলতি মাসে ০১টি বিশেষ ব্যাচে পোষাক তৈরি ট্রেডে ২৫জন যুব/যুব মহিলাদের প্রশিক্ষণ প্রদান করা হয়েছে। ৯ জন যুব/ যুব মহিলাকে আত্মকর্মীসহ চলতি অর্থ বছরে ৯০ জন যুব/যুব মহিলাকে আত্মকর্মে নিয়োজিত করা হয়। আত্মকর্মসংস্থান কর্মসূচীতে ১৬ জন আত্মকর্মীকে ৭,২০,০০০/-টাকা যুব ঋণ প্রদান করা হয়। এছাড়া বায়োগ্যাস প্লান্ট কার্যক্রম চলমান রয়েছে।	স্বাস্থ্য বিধি মেনে যুব ও যুব মহিলাদের প্রশিক্ষণ কার্যক্রম ও স্বাবলম্বি করার পদক্ষেপ গ্রহণনিশ্চিত করতে হবে।	উপজেলা নির্বাহী অফিসার উপজেলা যুব উন্নয়ন কর্মকর্তা
১৬.	মহিলা বিষয়ক অধিদপ্তর	উপজেলা মহিলা বিষয়ক কর্মকর্তা জানান যে, করোনা ভাইরাস সংক্রমণ প্রতিরোধে স্বাস্থ্য বিধি ও সামাজিক দূরত্ব বজায় রাখার বিষয়ে সেবা গ্রহণকারী ও নিজ দপ্তরের কর্তৃত্ব/কর্মচারীদের সচেতন করা হয়েছে। সামাজিক নিরাপত্তার আওতায় ভি.জি.ডি কার্যক্রম চলমান ও উন্নত মার্ভুতুকাল ভাতা (imlma) কার্যক্রম ২০১৯-২০ অর্থ বছর থেকে শুরু হয়েছে। ২০১৯-২০২০ চক্রের ভিজিডি কার্ডধারীর সংখ্যা ১৮৭৬ জন। ২০২১-২০২২ ভিজিডি চক্রে ১৫০০ জন নতুন ভাতাভোগী নির্বাচনের ক্ষেত্রে অনলাইনে আবেদন গ্রহণের কার্যক্রম সম্পন্ন হয়েছে। ২০১৯-২০ অর্থ বছরে ৮১৪জন ভাতাভোগীকে G2p পদ্ধতিতে সফটওয়্যারে এন্ট্রির মাধ্যমে প্রদান করা হয়েছে। প্রশিক্ষণ, ক্ষুদ্র ঋণ বিতরণ ও সেলাই মেশিন বিতরণ কার্যক্রম চলমান রয়েছে।	স্বাস্থ্য বিধি মেনে প্রশিক্ষণ প্রদান অব্যাহত রাখতে হবে। তবে প্রশিক্ষণ মডিউল প্রস্তুতকরতঃ প্রশিক্ষণ শুরুর পূর্বেই অবহিত করতে হবে।	উপজেলা নির্বাহী অফিসার উপজেলা মহিলা বিষয়ক কর্মকর্তা, ডুমুরিয়া, খুলনা

১৭/৭/২০২১

সভায় আর কোন আলোচনা না থাকায় সকলকে ধন্যবাদ জানিয়ে সভার সমাপ্তি ঘোষণা করা হয়।


এজাজ আহমেদ

চেয়ারম্যান

ডুমুরিয়া উপজেলা পরিষদ

ডুমুরিয়া, খুলনা

ফোনঃ ০৪০২৫-৫৬২২৫(অফিস)

০৯ ভাদ্র ১৪২৮


তারিখঃ

২৪ আগষ্ট ২০২১

স্মারক নং-০৫.৪৪.৪৭৩০.০০১.০৬.০০১.২১- ৫১৬/২ (৫০)

অনুলিপি সদয় অবগতি ও প্রয়োজনীয় ব্যবস্থা গ্রহণের জন্য প্রেরণ করা হলোঃ

১. মাননীয় সংসদ সদস্য-১০৩, খুলনা-০৫, বাংলাদেশ জাতীয় সংসদ।
২. সিনিয়র সচিব, স্থানীয় সরকার বিভাগ, স্থানীয় সরকার পল্লী উন্নয়ন ও সমবায় মন্ত্রণালয়, বাংলাদেশ সচিবালয়, ঢাকা।
৩. বিভাগীয় কমিশনার, খুলনা।
৪. জেলা প্রশাসক, খুলনা
৫. উপপরিচালক, স্থানীয় সরকার, খুলনা
৬. নির্বাহী প্রকৌশলী এল.জি.ই.ডি/জনস্বাস্থ্য প্রকৌশল অধিদপ্তর/শিক্ষা প্রকৌশল অধিদপ্তর/সড়ক ও জনপথ অধিদপ্তর/ পানি উন্নয়ন বোর্ড, খুলনা
৭. ভাইস চেয়ারম্যান/মহিলা ভাইস চেয়ারম্যান, উপজেলা পরিষদ, ডুমুরিয়া, খুলনা।
৮. উপপরিচালক, মাধ্যমিক শিক্ষা অধিদপ্তর, খুলনা।
৯. জেলা শিক্ষা অফিসার, খুলনা।
১০. -----জেলা পর্যায়ের দপ্তর সংশ্লিষ্ট প্রধান)
১১. উপজেলা -----, ডুমুরিয়া, খুলনা ;
১২. সহকারী প্রোগ্রামার, ডুমুরিয়া, খুলনা। বিষয়টি ওয়েবসাইটে প্রকাশের জন্য অনুরোধ করা হলো।
১৩. জনাব -----


২৪/০৮/২০২১

(মোঃ আবদুল ওয়াদুদ)

উপজেলা নির্বাহী অফিসার

ডুমুরিয়া, খুলনা

ফোনঃ ০৪০২৫-৫৬০০১